



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

**Luxemburgi, 1739**

LXXVII. Indulgentiæ Anno Jubilæi pro Monialibus, Infirmis, & in carcere  
detentis.

---

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

dexteram Majestatis in excelsis, egregie functos militia super terram pugiles suos, qui virtute ex alto inducti, & spiritu facta carnis mortificantes, non solum voluntatem suam cum omnibus concupiscentiis crucifixam Deo in holocaustum obtulerunt in odorem suavitatis, sed etiam luculentas de impietate victorias reportare, & gentes, quæ Deum non noverunt, ad veritatis agnitionem, ac viam salutis adducere meruerunt, pereennis gloriæ corona donat in Cælis; ita, & Nos, qui ejus vices, licet immittiti, hac terrena statione gerimus, Magistri Nostri vestigiis, quantum nostra fert infirmitas, inhærentes, illorum cultum, & venerationem in terris promovere studemus, sicut ad Divina Majestatis gloriam, ad ejus Ecclesiæ præsidium, ad ædificationem Fidelium, & animarum salutem cognoscimus in Domino expedire.

§. 1. Cum itaque mature, diligenterque discussis, atque perpensis per Congregationem Venerabilium Fratrum Nostrorum S. R. E. Cardinalium Sacris Ritibus præpositorum, processibus, de Apostolicæ Sedis licentia confectis super vitæ sanctitate, & virtutibus tam theologicis, quam moralibus in gradu heroico, quibus Servus Dei Franciscus Solanus Ordinis Fratrum Minorum S. Francisci de Observantia nuncupatorum Professor multipliciter claruisse, necnon miraculis, quæ ad ejus intercessionem, ac ad manifestandam Mundo illius sanctitatem a Deo parata fuisse asserbantur, eadem Congregatio coram Nobis constituta, auditis etiam Consultorum suffragiis, unanimiter censuit posse, quando-cumque Nobis videretur, ad solemnem ejusdem Servi Dei Canonizationem tuto deveniri, interim vero indulgeri, ut in toto Terrarum Orbe Beatus nuncupetur.

§. 2. Hinc est, quod Nos piis, atque enixis Charissimi in Christo Filii Nostri Caroli Hispaniarum Regis Catholici, & Charissimæ in Christo Filia Nostre Mariannæ earumdem Hispaniarum Regina Catholice Viduæ ejus Genitricis, necnon totius Ordinis præfati supplicationibus Nobis super hoc humiliter porrectis benigne inclinatis, de præfatorum Cardinalium consilio, & unanimi assensu, auctoritate Apostolica tenore præsentium indulgemus, ut memoratus Dei Servus Franciscus Solanus in posterum Beati nomine nuncupetur, ejusque corpus, & reliquæ venerationi Fidelium (non tamen in processionibus circumferenda) exponatur, Imagines quoque radiis, seu splendoribus exornentur, ac de eo quotannis die prima non impedita post diem felicis ejus obitus recitetur Officium, & Missa celebretur de Confessore non Pontifice juxta Rubricas Breviarii, & Missalis Romani.

§. 3. Porro recitationem Officii, & Missæ celebrationem hujusmodi fieri concedimus in locis dumtaxat infrascriptis, videlicet, in Oppido Montilia, in quo dictus Servus Dei natus est, in Civitate Limana, unde ad Cælos evolavit, & ubi Venerabile ejus Corpus requiescit, ac in Provincia Thecumana, in quam Catholica Fidei nova semina feliciter innoxit, ab omnibus utriusque sexus Christianis tam Sæcularibus quam Regularibus, qui ad horas Canonicas tenentur, necnon in solo Ordine præfato, tam Fratrum, quam Monialium, & quantum ad Missas attinet etiam a Sacerdotibus ad Ecclesias ejusdem Ordinis confluentibus.

§. 4. Præterea primo dumtaxat anno a datis hinc Literis, & quoad Indias a die, quo eadem Litera illic pervenerint, inchoando in Ecclesiis Oppidi, & Civitatis, ac Provinciæ, & Ordinis præfatorum respective solemnia Beatificationis ejusdem Servi Dei cum Officio, & Missa sub ritu Duplici majori die ab Ordinariis respective constituta, & intra sex menses promulganda,

postquam tamen in Basilica Principis Apostolorum de Urbe celebrata fuerint eadem solemnia, quam ad rem diem 30. Junii proxime venturi assignamus, pariter celebrandi facimus potestatem.

§. 5. Non obstantibus Constitutionibus, & Ordinationibus Apostolicis, ac Decretis de non cultu editis, cæterisque contrariis quibuscumque.

§. 6. Volumus autem, ut earumdem præsentium literarum transumptis, seu exemplis, etiam impressis, manu Secretarii prædictæ Congregationis Cardinalium subscriptis, & sigillo Præfecti ejusdem Congregationis munitis, eadem profusus fides ab omnibus, & ubique tam in judicio, quam extra illud habeatur, quæ haberetur ipsis præsentibus si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die 25. Januarii 1675. Pontificatus nostri Anno quinto.

I. G. Salsus.

Reg. in Secr. Brev. in lib. 5. diversor. fol. 303.

Concessio Indulgentiarum anni Jubilæi pro Monialibus, Oblatis, Puellis, & Mulieribus Sæcularibus in Monasteriis degentibus, ac Anachoretis, Eremitis, Infirmis, & in carcere detentis.

CLEMENS PAPA X.

Ad futuram rei memoriam.

Pontificia sollicitudo quamvis omnium Christianis salutem prospiciat, præcipue tamen spiritualibus Sanctimonialium profectibus paternæ Charitatis affectu studet providere. Ipsæ enim sunt filia, quæ oblitæ populum suum, & domum patris sui animi splendore cælestem Regem oblectant, ipsæ sunt prudentes Virgines, quæ lampades suas charitatis flamma succensas provide aptantes, meliorem partem elegerunt, & dum vitam cælestem petitam ducunt, non modo sibi ipsis ad Cælum viam sternunt, sed jejuniis, vigiliis, & orationibus, cæteris quoque Christianis fidibus eam aperire student. Quare summo opere optandum est, ut vitæ rationem, quæ eas Angelis quodammodo æquat constantissime retineant, ac dent operam, ut sicuti hic præclaros agunt de Carne in Carne triumphos, ita post hujus vitæ certamina in Cælesti patria feliciter coronentur.

§. 1. Quoniam autem consimile vitæ genus quamplurimi Anachoretæ, atque Eremitæ, ut supernarum rerum contemplationi securius vacent, laudabiliter elegerunt, spiritualibus quoque ipsorum incrementis paternis visceribus maxime ducimus consulendum.

§. 2. Cum igitur tam ipsi, quam præfate Sanctimoniales perpetua vivant clausura mancipati, & multæ puellæ, & Mulieres Sæculares educationis, vel alia ex causa de licentia Sedis Apostolicæ in Monasteriis degant, ibique clausuræ leges observent, multaque etiam reperiantur Oblatæ, quarum Institutum a Sede Apostolica approbatum existit, & quæ in Domibus, seu Conservatoriis in communi vivunt: necnon multi, ut accipimus, utriusque sexus Christiani partim Carceribus detenti, partim vero diuturna Infirmitate præditi, non solum in Alma Urbe nostra, & Italia, sed aliis etiam regionibus, provinciis, & locis reperiantur, qui, & quæ respective impedimentis hujusmodi remotis, pro percipiendis præsentis anni Jubilæi fructibus ad Almam Urbem nostram omnino venient, & Basilicas, Ecclesiasque ad id deputatas, benedicente Domino, indubitanter visitent, ob præfata impedimenta ad Urbem hujus-

Resolutio Congregationis SS. Rituum.

Preces.

Pontifex indulget, ut d. S. D. Beati nomine nuncupetur, quid circa ejus corpus, & reliquias.

Qua die de d. Beato Officium recitari possit, & Missa celebrari.

Officium recitari, & Missa celebrari possint in cæteris locis, prout in rubrica.

Item in toto d. Ordine tam Fratrum, quam Monialium, etiam a Sacerdotibus ad Ecclesias d. Ordinis confluentibus.

Primo anno dumtaxat solemnitas dictæ Beatificationis cum Officio, & Missa sub ritu dupli majori celebrari possint, prout in rubrica.

In Basilica Principis Apostolorum designantur pro die 30. Junii.

Contrariis derogat.

Fides transumptorum.

Dat. 25 Jan. 1675. An. 5.

LXXVII.

Exordium.

Referuntur personæ, quæ nequeunt ad Urbem accedere, & Basilicas visitare pro lucrando Indulgentiis anni Jubilæi.



modi minime venire, neque respective Basilicas, & Ecclesias ipsas visitare valeant:

§. 3. Nos pro pastoralis Officii nostri debito, paternaque Charitate illorum omnium Animarum saluti quantum cum Domino possumus prospicere volentes, omnibus, & singulis Sanctimonialibus quorumcumque Monasteriorum, etiam illorum, quae ab Ordinaria Jurisdictione exempta, & Sedi Apostolicae praefatae immediate subiecta sunt, vel esse asserunt, necnon Oblatis praefatis, ac puellis, & Mulieribus Saecularibus in Monasteriis hujusmodi de ejusdem Sedis licentia degentibus, & Anachoretis, atque Eremitis hujusmodi, ac utriusque sexus Christifidelibus, tam carceratis quam infirmis praefatis tantum, & qui alias impedimentis longae carcerationis, ac diuturnae infirmitatis cessantibus ad hanc Almae Urbem pro thesauris spiritualibus hujusmodi consequendis venturi fuissent, vere penitentibus, & confessis, quod in locis ubi eos esse contigerit, pia Christianae pietatis, & Charitatis opera juxta formam ab Ordinariis Locorum, seu Sanctimonialium, & Anachoretarum, Eremitarumque hujusmodi superioribus, vel de eorum mandato a prudente Confessario, in Alma Urbe vero a dilecto filio nostro Vicario, seu ejus Vicegerente tantum praescribendam pro cuiuslibet statu, & conditione, ac loci, & temporis ratione habita exercendo, & alia in nostris literis indicationis anni Jubilaei contenta adimplendo, omnes, & singulas Indulgentias, & peccatorum remissiones, etiam plenissimas, consequantur, quas consequerentur, & consequi possent, si in hoc praesenti anno Jubilaei diebus ad id statutis quatuor ad id deputatas Basilicas, & Ecclesias Almae Urbis, & extra illius Muros, pro quibus visitandis Jubilaeum, & Indulgentiae praefatae concessae sunt, personaliter visitarent, & eorum quilibet visitaret.

§. 4. Eisdem Sanctimonialibus, ac Oblatis, puellis, & Mulieribus Saecularibus, nec non Anachoretis, atque Eremitis, & Christifidelibus impeditis hujusmodi, ut ad effectum praesentium Confessariorum Presbyteros Saeculares, vel cuiusvis Ordinis regulares ab eisdem Ordinariis Locorum ad id probatos, qui Confessionibus eorum diligenter auditis, eos, & eorum quemlibet a quibusvis peccatis, criminibus, & delictis quantumcumque gravibus, & enormibus, etiam Sedi Apostolicae reservatis, etiam in Bulla Coenae Domini contentis, injuncta eis poenitentia salutari, absolvere possint, eligere valeant, auctoritate Apostolica tenore praesentium concedimus, & indulgemus. Non obstantibus Constitutionibus, & Ordinationibus Apostolicis, caeterisque contrariis quibuscumque.

§. 5. Volumus autem, quod praesentium literarum transumptis, etiam impressis, manu alicujus Notarii publici subscriptis, & sigillo personae in Dignitate Ecclesiastica constitutae munitis, eadem prorsus fides ubique adhibeatur, quae adhiberetur ipsis praesentibus, si forent exhibitae, vel ostensa.

Datum Romae apud S. Mariam Majorem sub Annulo Piscatoris die 6. Febr. 1675. Pontificatus nostri Anno quinto.

I. G. Slusius.

LXXVIII.

Erectio Custodiae S. Petri de Alcantara in Regno Neapolitano Fratrum Discalceatorum Hispaniae Ordinis Minorum S. Francisci de Observantia in novam Provinciam cum omnibus Privilegiis, & praerogativis adinstar aliarum Provinciarum Discalceatorum Hispaniae dicti Ordinis, necnon cum gratiis, & Indultis eidem Custodiae per quinque Brevia a SSmo D. N. concessis.

Super hac materia idem Summus Pont. plures alias edidit Constitut., quae sunt in hoc Volumine, 10. 42. & Sup. Tom. VI. Append. Const. 17. & 23.

CLEMENS PAPA X.

Ad perpetuam rei memoriam.

SAcrofancti Apostolatus officium humilitati, atque infirmitati nostrae ab aeterno Pastore commissum salubriter exequi adjuvante D. jugiter satagentes circa statum Religiosorum virorum sub austerioris vitae disciplina vota sua Altissimo reddere satagentium, bonoque Christi odore de bona conversatione flagrantium prospere dirigendum propensis studiis intendimus, ac muneris nostri pastoralis partes peculiari desuper charitate interponimus, sicut ad Omnipotentis Dei gloriam, Religionis, & piorum operum incrementum, ac felicem progressum, animarumque salutem expedire in Domino arbitramur.

§. 1. Alias siquidem postquam Custodia Sancti Petri de Alcantara in Regno Neapolitano Fratrum Discalceatorum Hispaniae Ord. Minorum S. Francisci de Observantia nuncupatorum in executionem quarundam nostrarum in simili forma Brevis literarum auctoritate Apostolica erecta, & instituta, variisque gratiis, & ordinationibus pro felici illius gubernio emanatis per alias ternas pariter in forma Brevis literarum nostras decorata, atque stabilita fuerat, cum Custodia ipsa in sui primordio multis tam Romae, quam subinde in Hispania contradictionibus vexata, & per illas tanquam aurum in fornace probata, & purificata, ac ab illis quippe insubsistentibus, & ex animositate provenientibus, tum Judicio Congregationis Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium praeposita, tum Charissimi in Christo Filii nostri Caroli Hispaniarum Regis Catholici, qui pro eximia sua erga nos, & Sedem Apostolicam reverentia, rem omnem ad supremum nostrum, & dictae Sedis Judicium remiserat, aequitate, atque pietate liberata fuisset:

§. 2. Nos ejusdem Custodiae statui, & incrementum providere, ac hujusmodi perturbationibus ansam in futurum praecidere cupientes, multa ad favorem ipsius Custodiae statuimus, & ordinavimus, diversasque declarationes, & concessionem fecimus, ac inter alia volumus, & ordinavimus, ut Capitulum dictae Custodiae compromitteret in Personas quatuor Religiosorum, zelo, prudentia, & virtute praedictorum, qui a Vener. Fratre nostro Francisco Episcopo Ostien. ejusdem S. R. E. Cardinali Barberino nuncupato dicti Ordinis apud nos, & Sedem praedictam Protectore approbati, seu alias ab ipso nominati essent, ipsique Compromissarii statuta, & Ordinationes, quibus eadem Custodia in perpetuum regi, & gubernari deberet, secundum datam sibi a D. prudentiam conficerent, & component, & alias prout in nostris desuper in simili forma Brevis die 28. Augusti 1673. expeditis literis uberius continetur.

§. 3. Cum autem ( sicut accepimus ) statuta, & ordinationes hujusmodi juxta earundem literarum nostrarum dispositionem jam facta, atque edita reperiantur, dictaque Custodia, quae sex Conventibus, canonice erectis, & institutis consistat, & alium Conventum erigendi facultatem a Sede praefata obtinuit, nulli Provinciae Ordinis praefati subjaceat, sed a proprio Custode cum suo Diffinitorio gubernetur, ac in ea Capitula, Congregationes, & alii congressus, prout in Provinciae dicti Ordinis celebrentur, ipsaque Custodia propriis sigillis majori, & minori utatur, ac praerogativis fere adinstar Provinciarum hujusmodi fruatur, itaut ei nihil nisi nomen Provinciae deesse videatur.

Exordium.

Refert initia d. Custodiae.

Refert plura ad illius favorem de-mandasse.

Quod quatuor Religiosi, illius Statuta, & Ordinationes conficerent.

Confectis Statutis d. Custodia sex Conventibus constans cum facultate alii erigendi se gerit adinstar Provinciae.

§. 4. Hinc

Omnibus supra-dictis concedit omnes & singulas Indulgentias d. anni Jubilaei, prout in rubr.

Indulget Confessarios, ut eos vel eas ab omnibus casibus relevatis etiam in Bulla Coenae Domini imposita salutari poenitentia absolvere possent. Derogat contrariis.

Transumptorum fides.

Dat. 6. Febr. 1675. an. 5.